



Opsežna istraga zbog gnusnog ataka na Policijsku stanicu u Zvorniku

Odgovor države na teror, dvije osobe uhapšene!

Istražuju se osobe koje bi mogle biti inspiratori napada u kojem je Nerđin Ibrić ubio policajca i dvojicu ranio, nakon čega je i sam likvidiran • Privedeni Avdulah Hasanović i Kasim Mehidić • Hasanovića prošle godine uhapsila SIPA, a iz pritvora ga pustio tužilac Dubravko Čampara

Policijske agencije u BiH nastavile su jučer opsežnu istragu nakon gnusnog terorističkog čina u Zvorniku u kojem je likvidiran policajac Dragan Đurić, a zatim u razmjeni vatre ubijen i 24-godišnji napadač Nerđin Ibrić. U napadu su ranjeni Željko Gajić i Stevo Milovanović i njihovo je stanje jučer bilo stabilno.

Združene snage

Zajednički istražni tim koji čine policijski službenici Državne agencije za istrage i zaštitu (SIPA) i MUP-a Republike Srpske, a po nalogu Tužilaštva BiH, istražuje motive napada na Policijsku stanicu u Zvorniku, povezanost Ibrića s vehabijskom zajednicom u BiH, ali i osobama koje su boravile na sirijskom ratištu i bile su s Ibrićem u kontaktu prije samog napada. Ibrić, 24-godišnji mladić iz Kućić-Kule kod Zvornika, iznenada je preokružen naoružan do zuba upao u Policijsku stanicu i otvorio vatru.

Njegov otac Sejfo početkom agresije je odveden u nepoznatom pravcu i ubijen, ali niko jučer nije mogao potvrditi da je teroristički napad koji je izveo Nerđin motiviran osvetom.

Istraga je proširena na više lokacija širom BiH, a pretresi su jučer obavljani na dva mjesta u Zvorniku te na

seljima Gornja Dubnica, gdje je pretresen lokalni mesdžid, te Miljanovcima u Kalesiji. Brzom reakcijom pripadnika SIPA-e uhapšene su dvije osobe koje se dovode u vezu s terorističkim napadom na Policijsku stanicu te ubijenim napadačem Ibrićem. Riječ je o A. F. H. i K. M., saopćeno je iz SIPA-e. Nezvanično saznajemo da je riječ o pripadnicima vehabijskog pokreta u BiH Avdulahu Hasanoviću i Kasimu Mehidiću.

Hasanović je uhapšen u Zvorniku, a Mehidić u porodičnoj kući u Miljanovcima u Kalesiji. No, istraga se nastavlja do rasvjetljavanja cijelog ovog slučaja. U svojstvu svjedoka, SIPA je jučer saslušavala i veći broj osoba koje mogu pomoći u rasvjetljavanju ovog slučaja. Nezvanično, riječ je o osobama koje su poznavale Hasanovića i Ibrića, a saslušane su u regionalnom uredu SIPA-e u Tuzli, gdje je trajala kriminalistička obrada.

Izvršenim uvidajnim radnjama i pretresima pronađeni su i privremeno oduzeti određeni predmeti koji mogu poslužiti kao dokaz u daljnjem postupku te prikupljeni tragovi na licu mjesta koji će poslužiti u rasvjetljavanju ovog krivičnog djela - rekla je Kristina Jozić, portparol SIPA-e.

Dragan Lukač, ministar

unutrašnjih poslova RS, potvrdio je jučer da je privedena jedna osoba s kojom je bio u kontaktu napadač na Policijsku stanicu u Zvorniku Nerđin Ibrić. Lukač je izjavio novinarima da je riječ o osobi koja je već ranije policijski obrađivana u vezi s odlaskom na ratište u Siriji.

Neki tragovi vode prema vehabijskim pokretima na drugim lokacijama. Mi intenzivno radimo na terenu sa SIPA-om i drugim agencijama na ovom slučaju - rekao je Lukač.

Jučer uhapšeni Hasanović odranije je poznat organima gonjenja. On je u akciji SIPA-e „Damask“ uhapšen 3. septembra prošle godine zajedno s Bilalom Bosnićem i još 15 vehabija zbog osnovane sumnje za planiranje terorističkih aktivnosti. Hasanović je u pritvoru proveo dva mjeseca, nakon čega je 28. novembra prošle godine pušten na slobodu. a određene su mjere zabrane.

Zanimljivo je da su Tužilaštvo BiH i tužilac Dubravko Čampara prošle godine tvrdili da imaju snažne dokaze da je Hasanović učestvovao u borbama na sirijskom ratištu te da je bio član terorističke organizacije Islamska država (IS)

No, mjesec nakon tih tvrdnji pušten je na slobodu, a da protiv njega nikada nije podignuta optužnica.

Veza s Imamovićem

Hasanović je povratnik u selo Šetići kod Zvornika. Prošle godine s bratom je otvorio radnju za prodaju i popravke mobilnih telefona i računarske opreme u Zvorniku. Na ročištima za pritvor u Sudu BiH tvrdio je da nema nikakve veze sa IS-om.

Uhapšeni Mehidić, kako nezvanično saznajemo, ključna je osoba u cijeloj ovoj priči, jer je Ibrić prije napada u više navrata posjećivao Dubnicu i Mehidića, s kojim se sastajao u lokalnom mesdžidu. Mehidić se, također, povezuje s Nusretom Imamovićem, koji je godinama bio autoritet vehabijama u Tuzlanskom kantonu, a nalazi se na listi najtraženijih terorista Stejt departmenta.

Za Gornju Dubnicu vjeruje se da je novo uporište vehabija u BiH nakon što je veliki broj pripadnika napustio Gornju Maoču te kupio zemljište u ovom selu. No, istraga policijskih agencija utvrdit će sve okolnosti te motiv napada, ali i otkriti ko su potencijalni nalogodavci ovog terorističkog čina.

M. AŠČIĆ

Page: 3

Reach: 50000

Country: BOSNIA AND HERZEGOVINA

Size: 1296 cm2

2 / 4



Ured SIPA-e u Tuzli: Privođenje Mehidića na saslušanje

Pretnes mesdžida kod Kalesije

Naši reporteri bili su na mjestu pretresa u mjestu Gornja Dubnica kod Kalesije. Nakon višesatnog pretresa njegove kuće, priveden je Kasim Mehidić (41) iz naselja Miljanovci, vlasnik firme „Kale Prom“. Kako smo mogli vidjeti, tom prilikom izuzet je određeni dokazni materijal, a ispitivani su i članovi Kasimove porodice.

Mehidić je jedan od članova vehabijske zajednice u ovom kraju. Oženjen je i otac je troje djece. Poriyeklom je iz zvrničkog sela Gušteri, a nakon rata nastanio se u Miljanovcima.

Službenici sigurnosnih



Pretnesen i mesdžid u Miljanovcima

struktura pretresli su i mesdžid u Gornjoj Dubnici nadomak Kalesije, objekta u kojem se okupljaju članovi

vehabijske zajednice, gdje je, prema nekim informacijama, redovno dolazio i Nerdin Ibrić. Istražitelji su duugo ispitivali trojicu muškaraca iz ovog džemata i, također, izuzeli više paketa dokaznog materijala, ali niko nije uhapšen.

U Gornjoj Dubnici uglavnom žive osobe koje izgledom odaju pripadnost radikalnom pokretu, i to u kućama koje su otkupili od prijeratnih vlasnika srpske nacionalnosti i u selu su sagradili mesdžid. Na nekoliko objekata u ovom kalesijskom naselju vidljivi su natpisi da su kuće na prodaju.

Još nisu predali Tužilaštvu

Boris Grubešić, portparol Tužilaštva BiH, rekao nam je sinoć da pripadnici SIPA-e uhapšene nisu bili predali u ovu pravosudnu instituciju te da vjeruje da će se to desiti danas.

- Nakon saslušanja Tužilaštvo BiH će odlučiti koje će mjere biti zatražene za uhapšene - rekao je Grubešić.

Tužilaštvo BiH: Specijalni tim vodi istragu

Po nalogu glavnog tužioca formiran je istražni tim u koji su uključeni tužioc iz Odsjeka za terorizam Tužilaštva BiH, kao i istražitelji i stručni saradnici, koji će raditi na istrazi u ovom predmetu, saopćeno je iz Tužilaštva.

- Tim predvode tužioc Džermin Pašić, Milorad

Barašin i Dubravko Čampara. Tužioc i osoblje zajedno će s policijskim djelatnicima MUP-a RS, SIPA-e i partnerskim institucijama, prikupljati dokaze i vršiti istražne radnje s ciljem potpunog rasvjetljavanja terorističkog akta u Zvorniku - rečeno je iz ove pravosudne institucije.


Page: 3

Reach: 50000

Country: BOSNIA AND HERZEGOVINA

Size: 1296 cm2

3 / 4



Ibrić ponio dvije puške i jedan pištolj

Ministar sigurnosti BiH Dragan Mektić rekao je jučer da je Ibrić bio naoružan s dvije lovačke puške i jednim pištoljem. Pojasnio je da je napadač izašao iz vozila s puškom i pištoljem i odmah bez ikakve naznake ispalio metak u policajca koji se nalazio

ispred ulaza u PS. Napadač je nakon toga ušao u Policijsku stanicu i nasumice pucao po kancelarijama. Navodno je nosio pancir i stradao je od metka koji ga je pogodio u vrat. Prema dostupnim informacijama, za lovačko naoružanje imao je dozvolu.


Vehabije ispred SIPA-e u Tuzli

Dok je jučer trajala kriminalistička obrada uhapšenog Hasanovića ispred Regionalnog centra SIPA-e u Tuzli, u nekoliko navrata ispred kapije na ulazu u dvorište objekta dolazile su i muške osobe koje izgledom i načinom odijevanja odaju utisak da je riječ o pripadnicima vehabijske zajednice.

Neki od njih dovezli su se privatnim automobilom praćeni vozilom pod rotacijom, ali nisu ulazili u zgradu, nego su mahali nekome ko se nalazio u objektu. **A. A.**



Pripadnici SIPA-e obavili niz saslušanja



Do zuba naoružani policajci ispred PS u Zvorniku



IMAMOVIĆ:
Ideolog i vođa radikala u BiH



HASANOVIĆ:
Hapšen i prošle godine

Fakti

3.000

radikalnih ekstremista
ima u BiH prema po-
dacima obavještajne
službe

330

osoba prema podacima
stranih istraživanja, iz
naše zemlje otišlo da
se bori u Siriji i Iraku s
terorističkom organi-
zacijom Islamska
država

150

osoba se trenutno bori
uz teroriste Islamske
države

2

policajca u BiH do sa-
da ubijena u terori-
stičkim napadima na
stanice u Bugojnu i
Zvorniku

8

policajaca ranjeno u
istim napadima

18. septembra 1997.
godine u Mostaru se dogodio
prvi poslijeratni teroristički na-
pad. Teže i lakše je povri-
jeđeno 29 osoba, uništeno
120 stanova.

24. decembra 2002.
godine pripadnik vehabijskog
pokreta Muamer Topalović u
Kostajnici je ubio tri člana po-
rodice Anđelić.

19. oktobra 2005. godi-
ne švedski državljanin Mirsad Be-
ktašević zajedno s Turčinom iz
Danske Abdulkadirom Česuro-
m i Bajrom Ikanovićem, uhapšen je
u Sarajevu, a u automobilu su im
nađeni oko 20 kilograma eksplo-
ziva i samoubilački prsluci.

10. oktobra 2008. godi-
ne Amir Ibrahim izveo bombaški
napad na FIS Vitez, u kojem je
poginuo jedan zaštitar.

5. novembra 2009.
godine uhapšen je Rijad Ru-
stempašić zajedno s Abdula-
hom Handžićem i Edisom Ve-
ličem. Rustempašić je 2011.
osuđen na četiri i po godine.

27. juna 2010. godine
eksplozivom je napadnuta Poli-
cijska uprava u Bugojnu, a pogi-
nuo je policajac Tank Ljubuškić.

28. oktobra 2011. godi-
ne Mevlid Jašarević iz auto-
matske puške puca na Amba-
sadu SAD u Sarajevu. Osuđen
je na 15 godina zatvora.

3. septembra 2014.
uhapšen je Bilal Bosnić, osu-
mnjičen da je vođa radikalnog
islamističkog pokreta u BiH te
za vrbovanje građana BiH za
borbe u Siriji. Sudeње mu se
odvija na Sudu BiH.